



ДОМ НАРОДА

DOM NARODA

Broj:
Sarajevo, 03.09.2025. godine

PARLAMENTARNA SKUPŠTINA
BOSNE I HERCEGOVINE
DOM NARODA
n/r gospodin Nikola Špirić

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PP:	JENOS:	03-09-2025	
Org:	Redni broj	Broj priloga	
02-50-6	1915/2		

Na osnovu člana 9. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16, 71/24 i 44/25), dostavljam

DELEGATSKA INICIJATIVU

Kojom se od Vijeća ministara Bosne i Hercegovine, a posebno od Ministarstva sigurnosti Bosne i Hercegovine, traži hitno pokretanje procedure za proširenje kapaciteta Agencije za školovanje i stručno usavršavanje kadrova AEPTM za minimalno 100 polaznika u roku od tri mjeseca od dana usvajanja ove inicijative.

Obrazloženje:

Dana 24.08.2023. godine podnio sam delegatsku inicijativu kojom je od Vijeća ministara Bosne i Hercegovine, a posebno Ministarstva sigurnosti Bosne i Hercegovine traženo hitno pokretanje procedure za proširenje kapaciteta Agencije za školovanje i stručno usavršavanje kadrova AEPTM. Inicijativa nije dobila podršku Zajedničke komisije za odbranu i sigurnost Parlamentarne skupštine Bosne i Hercegovine, uz konstatacije članova Komisije da je za ovo pitanje odgovorno Ministarstvo sigurnosti Bosne i Hercegovine, te da će Vijeće ministara Bosne i Hercegovine morati prepoznati ove zahtjeve i povećati finansijska sredstva kako bi se povećali kapaciteti. Zamjenik ministra sigurnosti Bosne i Hercegovine, Ivica Bošnjak, naveo je da je Ministarstvo sigurnosti Bosne i Hercegovine u stalnom kontaktu sa rukovodstvom državnih sigurnosnih agencija i da Ministarstvo sistemski prilazi ovom problemu, kao i da Ministarstvo ima kapacitet da sagleda i analizira stanje i predloži Vijeću ministara Bosne i Hercegovine na koji način da prevaziđe problem.

Podsjećam, Agencije za školovanje i stručno usavršavanje kadrova AEPTM osnovana je Zakonom o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine koji je u Parlamentarnoj skupštini Bosne i Hercegovine donesen 16.04.2008. godine i trenutno ima kapacitet za školovanje i stručno usavršavanje do 150 polaznika.

U Izvještaju o radu Granične policije Bosne i Hercegovine za 2023. godinu, broj:17-08-04-14-6722-43/22 od 09.07.2024. godine, zaprimljeno u Parlamentarnoj skupštini Bosne i Hercegovine 10.07.2024.godine, pod brojem: 03/1-03-1344/24, navedeno je da je na dan 31.12.2023.godine, nepopunjeno 635 radnih mjesta - policijskih službenika.

Obzirom da je trenutni kapacitet polaznika za školovanje i stručno usavršavanje do 150 polaznika, a da školovanje traje sedam (7) mjeseci, potrebne su oko 2 i pol (2,5) godine da bi se izvršilo školovanje 635 novih polaznika, pod uslovom da u narednom periodu ne bude odlazaka policijskih službenika u penziju i da se vrši školovanje samo policijskih službenika za Graničnu policiju Bosne i Hercegovine.

U Informaciji o stanju u oblasti migracija u Bosni i Hercegovini za prva tri mjeseca 2025. godine, broj: 06-50-2428-17/25 od 23.07.2025. godine, zaprimljeno u Parlamentarnoj skupštini Bosne i Hercegovine 24.07.2025.godine, pod brojem: 03/1-50-18-1700/25, navedeno je da će nakon završetka školovanja za čin „mlađeg inspektora“, 25 osoba iz XII klase kadeta Granične policije Bosne i Hercegovine, stupiti na probni rad u martu 2025. godine. Također, u Informaciji se navodi da Granična policija Bosne i Hercegovine poduzima niz mjera kako bi odgovorila na nedovoljnu kadrovsku popunjenost i opremljenost specijalističkom opremom.

Navedeno potvrđuje da kapaciteti nisu dovoljni, te da nisu poduzete značajne aktivnosti ka rješavanju ovog problema ni dvije godine nakon podnesene prvoebitne inicijative.

Shodno svemu navedenom, potrebno je što hitnije, a najkasnije u roku od tri mjeseca od dana usvajanja ove inicijative, pokrenuti sve potrebne procedure, kako bi se proširio kapacitet Agencije za školovanje i stručno usavršavanje kadrova za minimalno 100 polaznika, a sve kako bi se odškolovalo veći broj policijskih službenika i u što kraćem roku popunila radna mjesta policijskih službenika u Graničnoj policiji Bosne i Hercegovine.

Bržim popunjavanjem kapaciteta Granične policije Bosne i Hercegovine, steći će se uslovi za bolju sigurnost i kontrolu Državne granice Bosne i Hercegovine.

S poštovanjem,



DELEGAT
Kemal Ademović